

# Kangirhitjutikhaq

## Chickenpox (Varicella)

### Hunaukmat chickenpox?

Chickenpox (varicella) aaniarutauyuq pipkaitjutauyuq qupilrumit. Chickenpox pipkailluaqtauyuq nutaqqanut mikiumik aaniarutauyuq. Kihimi kamaknaqtuq biibinnuanut, inirniriinut, hingaiyaqtunullu, inuknullu hakuiqpallaaqtunik timiup hapummitjutigivaktanginnik.

### Hunaukmata naunaitkutingit?

Chickenpox aupatjaalaqutivaktuq kukuknaqhipluni immaktut akuliaqmi, hatqarni, tunukni aqjaruqnilu. Inuk amigaitpiaqtumik immautiqaqtaaqtuq timimini, qanip iluanilu. Chickenpox kitjautivaktuq, niaquqliutiaplunilu unahuktiqlunilu. Inuit chickenpox kitjakhimavaktut tallimanik 10mut ublunik.

### Qanuqtut hiamitiqpakpa?

Chickenpox aaniarutinga tautuknaqtuq qingami iggiamilu immautiminilu uvinikmi. Hiamitiqtuq kahagaangat aaniaqaqtumik qingamini kuvininnganit immautimiknitluuniit. Chickenpox hiamitiqpaktuqlu anirhaagaangat aaniaqtumit qalakhuraangat tagyuraangatluuniit.

### Kitkut aaniarutittaaqtaik?

Nutaqqat chickenpox-siqpaktut; kihimi aatlat chickenpox-ivyayuittutlu qayangnarutauyuq. Hingaiyaqtuq chickenpox-iqaliqqat, ilumiutaminut qayangnaqtuq.

### Hunaukmat havautikhangit?

Havautaituutikhaittuq chickenpox inuitlu naamakhittaaqtut aihimayumik. Inuit aaniaqyualiraangata uqaqatigiyakhaugaluat munarhinut.

Nutaqqat inuulramiitluuniit chickenpox-tut TUNIYAKHAUNGITTUT ASA-mik aspirinmikluuniit, angikliyuumiutiniaqmat Reye's aaniarutinganik (pinnaittuugaluaq kihimi akhuurutauyuq aaniarut qaritauyaqliuqnaqtuq puvaklukniqluniluuniit).

### Qanuqtut hiamitiqnairutinga?

- Kapuqhiqnaqtuugaluaq chickenpox-naigiami. Apirilugu munarhit kapurhiqtaariaqni.
- Algaktit uarlugit nakuutqiyauyuq aaniaqtiqnaittumik. Algaktit uarukni qalakhuruvit tagyuruvitluuniit, munarinaharuvit munarihuvitluuniit aaniaqtumik, kukiillu nailivaklugit hiamitiqnaittumik aaniarutinik.
- Niripkainaharuiqlutit niriyaqnik, niuqqaqtarnik, higaaqnik aluutinik kapurautinikluuniit, kigutigikhautinikluuniit.
- Qalakhuruvit tagyuraharuvitluuniit kakkiiyaumut qalakuqpaklutit tagyuqpaklutit ikuhiknulluuniit.
- Aihimavaklutit aanialiruvit.
- Inuit aaniaqtut chicken pox-mik pulaaqtukhaungittut inuknut hakuiqhimayunik timiup hapummitjutigivaktanginnik hingaiyaqtunutlu chickenpox –imangittut kapuqhimangittullu kihimi immakhimayangit mamitpata.